






Digitized by the Internet Archive
in 2015





LAUDATIO
IN FUNERE
SERENISSIMI PRINCIPIS
ALOYSIJ MOCENICI

HABITA CORAM VENETIS PATRIBUS

A PETRO BERTIO

IN ÆDE

SS. JOANNIS, ET PAULI

IV. IDUS JANUAR. AN. MDGCLXXIX.



V E N E T I I S,
M D C C L X X I X.

Ex Typographia MODESTI FENTII.
SUPERIORUM PERMISSU.

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

TEL. 733-4331

1967

1967

1967



1967



R Aptum verius morbo non opinato , quam communi tandem moriendi necessitate sublatum , virtutibus magis quam ætate gravem , pijsimum Principem ALOYSIUM MOCENICUM , in tanto Reipublicæ totius squallore , in tanti auctoritate confessus , in universi populi conquerentis dolore lamentaturus cum sim ; fateor equidem , me quamvis nil tale cogitantem , non tamen ad hoc pietatis munus , quod nemini antea fortasse contigit , vel jis qui commiserunt morosum resistisse , vel invitum accedere. Movit quippe me vetus in eum reverentia , movit subiti casus acerbissima pietas , movit Clarissimorum æquitum Fratris , & Filiorum incredibilis mæror , ut animo , sin minus alacri , facili certe & obsequenti eis , quibus maxime debeo , inservirem , & illius virtutes , quas jamdudum introspexi & suspexi , nunc saltem pro viribus celebrarem . Illud me tamen & acrius movit , & impulit vehementius , quod cum totam ejus vitæ rationem , & singulas etiam actiones accurate perlustrarem , ut quibus potissimum virtutibus excelluisset , penitus cognoscerem ; eum adeo pietatis studio & Religionis sanctitate , cæteris quasi evanescentibus , eminere comperi , ut Religiosus Princeps & esse & videri voluerit .

Magnum profecto argumentum , P. C. , dignitate plenum ; quippe hujus auctoritate loci, amplitudine vestra dignissimum , & ad publici luctus solatium maxime accommodatum ; quodque præcipuum est , adeo veritate undequaque splendescens , ut & in tanta hujusce ætatis non certe supersticiosæ luce ac licentia sine mendacio proponi , & in tanta ingeniorum subtilitate sine adulationis nota possit pertractari. Cujus quidem eo major apud me vis est , ut & animum erigat , ne conscientia meæ tenuitatis deterrear , & necessariam suscepto muneri obundo facultatem suppeditet , quam vel disertissimis Oratoribus invidere non videar. Confurgit enimvero hinc sponte sua , & sibi quodammodo plaudens in novo quasi solo efflorescit oratio , hoc uno contenta , si nullo artis colore fucata , nullis assentationum fraudibus involuta , vobis P. C. probabilis appareat, dum Religiosissimo Principi parentatur.

Ac primum quidem magnopere vereor , ne quis adeo iniquus rerum æstimator insurgat , mihi ac ipsi pene Religioni succensus , perinde ac aut ego , temperantius fortasse quam par sit , hanc unam in egregio Principe laudandam suscipiam , cætera quæ de illo prædicari possunt quasi non sint dissimulaturus , aut Religio ipsa nimis severa animi dotes , & vitæ munerâ , ac ornamenta despiciat . Atqui multa sunt , & magna , & præclara in omni bonorum etiam & virtutum genere , quæ dicendi copiam & rerum pondus abunde possunt subministrare . Age enimvero ; Quæ in præclarissima ejus Familia generis vetusta , & non interrupta claritas ; quæ honorum amplitudo ; quæ nominis celebritas non elucet ? Tanta profecto ut cuique vel minimum in patria historia versato satis constet, ipsam pene Rempublicam cum hac Familia certasse ; hanc ut Patriæ multos tum belli, tum domi præstantes ac plane singulares viros atque admirandos a suis inde primordiis ad hæc usque tempora

pora sufficeret, illam ut pro sua in retribuendo largitate hujus generis viros maximis dignitatibus & summo ipso Principatus honore sæpissime cumularet. Quod si de hoc suæ gentis splendore, qui ita suus erat ut & aliorum esset, filere velim; quanta profecto ab ejus virtutibus ac meritis laudum seges suboriretur, quæ ita tota sua est, ut nullam ejus partem vel fortuna vel genus sibi valeat vindicare. Equidem possem (non enim eget alienis laudibus qui abundat suis) maximam ejus in regendis consilijs, in tuendis legibus, in magistratuum jurbus servandis assiduitatem, miram propemodum fidem, constantiam, dexteritatem commemorare, quibus majores suos non tam singulos est æmulatus, quam unus exhibuit universos: Possem splendidissimas ejus Legationes, quibus Parisijs primum, ubi & viris ex omni fere memoria peritissimis familiaris fuit, & Petri Urseoli sanctissimi Principis ossa obtinuit; mox Neapoli, quo missus bis extra ordinem ut officiose pro Republica faceret; Romæ denique, & nonnullis sublati difficultatibus, & pluribus ultra morem impetratis, & omnibus ad regium prope decus comparatis mirifice functus est: Possem gravissimam hanc ipsam Rempublicam appellare, cujus favore & Edis. D. Marci Procurator fuit dictus, & Patavini Gymnasij Administrator, quem Magistratum Majores nostri inter primos esse voluerunt, & civium effusis studijs ad summum Principatus fastigium nemine contentente delatus. Quid plura? Omnia brevi comprehendam; quo uno & fidem meam liberavero, neve quidquam, quod illi maxime debeatur, hoc etiam in genere laudis derogasse videbor: Nota res est ac pervulgata, unanimi illum gravissimorum Patrum judicio ad bene de Republica consulendum in Sapientum Collegio cooptatum fuisse, ibique in rerum maximarum administratione triginta ipsos annos versatum esse. Potuitne Aloy-

sius noster magnificentius aut cumulatius aut explicatius a me , quam Sapientissimi Senatus tanto studio , iudicioque laudari ? Quæ potest huic , Senatoria præsertim , virtus abesse , quem in venerabili illo Sapientiæ , Gravitatis , Consilij veluti domicilio suis provincijs , regendis , publicæ tranquillitati conservandæ , veteri gloriæ iniquis etiam temporibus retinendæ Senatus ipse præferit , & eodem munere longo adeo tempore retinuit ? ut nulla profecto major illius laudatio esse possit quam tanti a tantis Patribus fieri .

Hæc ego si pro rei dignitate non fufius persequor , non id inopiæ rerum , quasi aut exiguæ sint , aut nullo modo sint , tribuendum est . Sed cum Sapiens Princeps Religionem ac pietatem unam præ cæteris semper sibi duxerit esse æstimandam , ineptus certe viderer Orator , si orationem quoque ego - meam sensui ejus , iudicioque non penitus conformarem . Juerit tamen hæc commemorasse , quæ commemorare Religio ipsa jubet , ut omnes probe intelligant , cætera vel generis vel animi ornamenta , quæ sine pietate inania prorsus & lubrica & noxia sunt , eadem , cum pietati consociantur & illustria esse & utilia & omnium linguis ac litteris celebranda . Nunc porro cum de ejus Religione dicamus , quod nobis propositum initio , est , non illud mihi demandatum intelligo ut virtutes omnes , in quas illa tribuitur , sigillatim percenseam (quod & imperare iniquum esset , & suscipere temerarium) sed ut ex earum admirabili copia pauca quædam decerpam , de quibus ex hoc amplissimo loco tumultuaria plane Oratione collacrymer . Jam in Christiana Modestia , quam frequentiori vocabulo humilitatem dicimus , quæque cæterarum est parens , custosque virtutum , quantum modestissimus Princeps enituerit , quis vestrum est quis ignoret ? Quanta enim in eo erat animi humiliter , de-

se sentientis non obscura significatio, qua totum id, quod in se erat, Deo unice referebat ! Quanta totius corporis ad modestiam compositio ! Quanta in quoscumque inciderat homines reverentia ! Neque vero ea tantum in amplissimos viros, in quibus sæpe invenias quod præcellat, sed in eos quoque, quos natura infimos, conditione servos offendebat identidem ; ut qui dignitate omnibus præstaret, humilitate inferior omnibus videretur. Nolim tamen existimeris, fuisse hæc omnia demissi potius, quam sese demittentis animi indicia. Repetite quæso, ac vobiscum ipsi recordamini honestissimam Aloysij Principis imaginem, cum e domesticis quasi latebris, stipante corona Patrum, pro Reipublicæ amplitudine prodibat in publicum. Quæ incessus gravitas ! Quæ corporis habitudo formæ dignitate quadam a natura honestati ! Quæ oris Majestas ex ipsa fronte ac vultu eminebat ! Et illud quidem nativum non adscitum, sincerum non callidum, quo nempe omnes judicarent, eum non electum, sed prope natum esse ad Imperium ; & advenæ ac peregrini, summorum fortasse Principum quotquot per Europam sunt, majestati adsueri, postquam summa omnia, quibus nostra hæc civitas maxime præstat, fuerint admirati, cum illum intuerentur, in hoc uno mirabilem totius Reipublicæ majestatem residere facile faterentur : Num fieri fortasse potest, ut cujus ori magnum quiddam natura induxerit liberaliter, ejus deinde animo nimis incohærenter subtraxerit ? Quin ita a natura ipsa comparati sumus, ut per oris lineamenta, & externam corporis speciem interioris animi notas arguere non dubitemus. Nonne vobis vel maxime id licuit arguere, P. C. quoties eum e Suprema majestatis Sede, Reipublicæ nomine, aut insignibus Legatis respondentem, aut inclytis quibusque viris gratulantem audistis ; cum & sententiarum gravitatem animi excelsitati ac-

como-

commodata m, & orationis totius dignitatem admirabamini, adeo ut vobis ipsis & genere claris & ingeniosis & eloquentibus magnificus plane ac eloquentissimus videretur. Habent hoc qui Christianam vere humilitatem colunt ac profitentur, ut quod a natura hauserint, illud, cum suo munere funguntur, & diligentia augeant & exercitatione perficiant; cum vero res minime poscit & latere ament & ab iis qui minus de virtute sapiunt, alios plane judicari ac sunt.

Cum autem alia in hoc viro admirabilia fuerunt quæ ex ipsa humilitate profiscuntur, tum singulare Christianæ caritatis studium, quo cujuscumque ordinis homines amantissimus Princeps prosequeretur. Vigebat in eo maxime incredibilis in Patriam amor, cum omnes omnium caritates Patriæ Caritas vincat, quo Reipublicæ totius, quod Religiosum Principem apprime decet, dignitatem, amplitudinem, incrementum suis ipse commodis anteponeret; nec nisi populorum & provinciarum otio & felicitate expleri felicitatem ille suam, ac plane cumulari significaret. Ex hoc tam incenso in universam Rempublicam amore, egregia nimirum illa caritas in singulos redundabat. Quo in loco ad te primum convertatur oportet oratio, Clarissime Eques Petre, qui amantissimo cum fratre ita vixisti, ut tu pari animi magnitudine ejus potissimum gloriæ inservires, ille ut tibi incredibilem vim amoris rependeret. O rem omni prædicatione majorem! O rarum fraternæ dilectionis exemplum! Hærebant dulcissimi fratres alter alteri, ut fere vitæ societate, sic non tam suavi naturæ vinculo, quam eodem prorsus religionis ac pietatis sensu conjuncti; amabat alter alterius amorem, dolore atque luctu commovebatur, occultaque quadam amoris vi ac vehementi in perpetuam animi consensionem rapiebantur, ut Divino prope prodigio tribuendum sit, quod

quod hic altero mortuo repente non moreretur, ille ut inopinato genere mortis a quo divelleretur non senserit. Neque vero hunc Caritatis fervorem in fratrem eo usque effundebat, ut ceteros non diligeret, quos omnes paterna quadam dilectione fovebat. Jam in domesticos & familiares suos tanta erat facilitate ac comitate ut vel ex ipso vultu insitam animo in omnes benevolentiam satis ostenderet. Ejus sermo roganti propior quam jubenti: verba non acria, & ab omni fastu abhorrentia: servis, quibus parens videbatur non Dominus, & minuere laborem, & suis etiam necessariis voluptatibus libenter aliquid detrahere studebat, ut illis plus otij daretur & quietis. Quid porro de reliquis dicam seu beneficijs, seu dignitatibus, quas nullo prorsus emolumento ductus, suis primum, quasi honestæ servitutis præmium, cæteris deinde quoad poterat elargiebatur? Possesse autem plura cupiebat ut pluribus satisfaceret; quibus si satis semper non fecit, limitatæ id potestati, quod humanum est, tribuamus, non voluntati, quam liberalibus verbis, & liberaliori animo significaverat. Quid de ejus erga pauperes & egentes homines largitate & munificentia? Quam cum in viduis ac pupillis alendis, in sustentandis Religiosorum Familiis, in puellis ab honestatis jactura tutandis large exerceret, silentio tamen regebat, ne qua iuavis aura gloriæ tantæ pietatis opus disperderet.

Verum cum ea potissimum Christianæ Caritatis laus sit & perfectio, ut a Deo primum in nos derivata ad Deum ipsum tanquam præcipuum terminum referatur; rapit me & quodammodo absorbet orationem meam intensa illa Religiosissimi Principis in Deum pietas, diligens Divini Numinis cultus, assidua in res Divinas reverentia, studium efficax Religionis, quæ si privatim intermissa unquam, publice tamen apparuit usque quaque ad cæterorum exemplum splendide culta. Quoties enim
 vel

vel publici supplicationibus adesset, vel Tempia deprecaturus ingrederetur, vel leve quodque Religionis officium obiret; ejus animi ardor ex toto corporis habitu emicabat, dum majestatem ipse suam, familiam, civitatem, Rempublicam ipsam Divinæ, supremi Conditoris majestati humiliter subijceret, quam ei servire, ei adhærere, ejusque præsertim gloriæ velificari cupiebat. Hinc scilicet firmissima illa in credendo fides, de qua nulla se humana fraude deijci patiebatur, & constans fiducia quam totam in uno Deo Clementissimo parente ac rectore volebat esse repositam, & admirabilis illa orandi assiduitas, ut nunquam ille ullum diem abire pateretur, quo non rei divinæ semel ac iterum interesset; & quod illi dabatur a necessariis vitæ seu occupationibus seu impedimentis (quibus se non tradere sed commodare visus) excepti ac subsecivi temporis, hoc ille pro-volutus in genua in æternitatis meditationem adhiberet, ex qua vitæ stabilem, inoffensumque cursum perpetuo retineret. Tremefactus enim persæpe periculorum consideratione, quibus fit ut semper deficiamus alicubi, Deo se indigere cognoscens, in ejus Divinæque matris sinum confugiebat, cujus se viribus proveheret, sub cujus bonitate, tanquam sub firmissimo aliquo Clypeo, a frequentioribus communis hostis ictibus protegere-tur. Quid porro mirum, si in suis muneribus obeundis adeo vigilans ut nihil eum unquam a suo officio fungendo interpel-laret? Si in perferendis tolerantissimus fuerit? Atque ita ut quum sæpe, cæteris qui ei aderant fatigatis, solus indefessus persisteret, admirantibus iis dicere soleret: quem Respublica in Principe loco constituerit, nullos ei non vel ultro suscipiendos labores, nulla non incommoda subeunda, summos denique ho-nores, quibus a Patria cumulatur, summis pro patria laboribus sustinendos. Ex quo fortasse factum est, quod nonnulli opinan-tur, ut cum extremis hisce diebus stans diu insisteret pedi, qui mor-

morbo affectus medicam omnino curam & quietem opinione omnium poscebat, patientissimus Princeps sibi non satis caverit, & sui muneris veluti victima vel periculum auxerit, vel mortem etiam quodammodo approperaverit.

Hæc cum multa sint & præclara, quæ hætenus commemoravimus, doleo equidem, quoniam omnia in hisce definiti temporis angustiis concludi non possunt, longe plura adhuc superesse, quæ commodius ad dicendum tempus desiderarent. Ex iis porro quæ vel leviter attingere licuit, magnopere spero, cæteras ejus virtutes, in adversis potissimum fortitudinem, in prosperis temperantiam, in consulendo prudentiam, in judicando æquitatem facilius vos conjecturos, quam quod a me possint prædicari. Illud tamen silentio præterire non possum, quod animi perfecte religiosi est, Principem scilicet nostrum hac etiam in parte tanto religionis zelo æstuasse, ut hujus quoque studium in cæteris vel diligeret, vel etiam, quoad ejus auctoritas vel officium ferebat, diligentissime foveret. Subit enim animo, quod nulla unquam delebit ætas, exuberans illa egregii Principis exultatio, quam a gravissimo Senatus judicio, a constanti totius populi plausu, ab unanimi omnium ordinum consensu hauserat, quaque præclarissimum illud Ecclesiasticæ vitæ, & lumen, & exemplar Antistitem nostrum prosecutus est, quum illum Patriarchalis honoris insignibus decoratum conspexerit. Gratulabatur scilicet sibi ipsi, quod tantam in summa virtute modestiam, istis præsertim temporibus, in editissimo fastigio, ut luceret omnibus, collocatam videret, unde certo prospiciebat fore ut ad publicam populi pietatem, ad totius disciplinæ Ecclesiasticæ confirmationem, ad omnem Religionis cultum, plurimum præsidii accederet, & incrementi. Equidem dum hæc commemoro, obversatur ille idem mihi pii ingenuique Principis

pis gravis adpectus, cujus perfruendi honore toties dignatus sum: illa eadem verba audire mihi videor, quibus mecum de omni virtutum genere sapientissime, & familiariter dislerebat: audire præsertim videor gravissimos illos animi sensus, quibus carissimum Nepotem, summa spe & animi & ingenii adolescentulum, mihi sollicitè commendabat, cum quasi oranti similis obfectoretur ut quem litteris imbuendum susceperam, illum ad omne pietatis opus accurate educarem. Hærebat persæpe bonus senex in puero, & si quam sibi ingenii, diligentia, profectus commendationem excitaret, laudabat verbis, hortationibus acuebat, præmiis etiam sapiissime cumulabat. At omnia eo tandem spectabant, eo recidebant, ut in omnibus Deum, pietatem, religionem sibi propositam haberet; huc vires omnes intenderet; simulque cognosceret, se sine his neque Reipublicæ integrum civem, neque generi honestum columen, neque civibus utile exemplar futurum. Cresce adeo, præclare adolescens, Reipublicæ votis; Cresce nobilissimo generi, cum in te uno spes tantæ domus innitatur; & amplissimum pietatis patrimonium a præclarissimo Avo tibi relictum intueri: hujus exempla sectare; hunc vestigiis persequere; eandem semitam, qua ille præivit, insiste, ut & eodem pervenias, & idem honoris pondus consequaris.

Vos vero, P. C., quos jam unus mæsta tanti Principis obitu tota hæc intuetur Respublica, pro vestra, qua maxime præstatis, sapientia consulite quam primum rebus afflictis, & eum potissimum successorem deligite, qui cum cæteras egregias virtutes tum Religionem præsertim ac pietatem imitetur & referat Aloysii Principis, quem in æternas illas beatorum sedes evectum esse, promissamque piis omnibus hæreditatem consecutum animus auguratur. Dixi.

